

NO SOALAN :57

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. TUAN LIM LIP ENG
(SEGAMBUT)**

PERTANYAAN : LISAN

TARIKH : 17.06.2015

Y.B. TUAN LIM LIP ENG [SEGAMBUT] minta **MENTERI KEWANGAN** menyatakan hasil kutipan Cukai Barang dan Perkhidmatan (GST) bagi bulan April dan Mei dan bilangan aduan mengenai GST yang telah diterima oleh Kerajaan.

JAWAPAN

Tuan Yang Dipertua,

Secara asasnya, kutipan GST terdiri daripada dua komponen iaitu kutipan GST ke atas pengimportan dan kutipan GST tempatan. Jumlah keseluruhan

kutipan hasil GST dari bulan April hingga Mei 2015 adalah sebanyak RM4.95 bilion. Pecahan kutipan hasil dari pengimportan adalah sebanyak RM2.86 bilion, sementara kutipan GST tempatan adalah sebanyak RM2.09 bilion.

Untuk makluman Yang Berhormat, setakat 31 Mei 2015, jumlah aduan berkaitan GST yang diterima oleh Jabatan Kastam Diraja Malaysia melalui e-Aduan, GST HelpDesk Kastam di seluruh Negara dan Pusat Panggilan Kastam adalah sebanyak 5,409 aduan. Jenis aduan yang diterima, antara lain, meliputi aduan berkaitan pengesahan layanan GST ke atas pembekalan, kenaikan harga barang dan perkhidmatan serta isu invois yang tidak menepati kriteria yang ditetapkan.